

Укйъугак агвыңакут. Ситқунағмит агвыңытупихтут.
Агвыңакут.

Ынкам уनावык пыгулькусит анлъупигъақылгит.
Полъатыхкак пыгоқат углапик. Ынкам-ам укйъугакнаку, ыгнык
таклъирухлъықыйбақнаку, қайгъа нанитагамалуку, хатахсекут.
Мантак маюқапихтақат-ам, таўхкын тумвахтыльхаглуку,
салихтугакут тунумыхтыхун. Аңогутыт алңаглуки лъыган,
пиңаюхқаугақылгит натын сайиұхтыт. Пинихқапиругат. Ата-
моянкут, Қергытагынкут, Пытуганкут сайилгит. Аңогутыт
нукуфтакет тунумыхтыни алңаглуки. Мантагалькусим туно-
ни. Таухкын илисакут саяеҳалгит. Лъыган таўани кина лъыган
илисакуқ.

Иякункут, Пытуганкут, Ңаңақункут саюсигекут.
Анланияғаңакут. Қайгиңакут, илисакут. Никугнақыпихтакукут,
қаку кеқ агўилъықат. Пахсиңапихтакукут. Лъыган
тафсиўқақханың агуқақет. Хўаңкута анавут тана Иякуңеун
ситқунағминулге. Тафсиўқақханың агуқақетыкут. Хўаңкута амта
тафсиўканлъақетыкут.

Қынғўат атасими ыгнығми туқлъугақет илатың полъаяхқанун.
– Ук, қамай, саеҳси ! Эгэ-эй ! – Углат касутакут ситқунағмит
мантыгахлъугмун.

Акмайъолильтың. Миникугақет мантағның, куйңим
нықханың, агвығым нықханың. Игалекут полъальтың.